

Prentsa Oharra

Nota de Prensa



Behobia / Donostia lasterketa: aldaketak aparkalekuetan, garraioan eta errepideetan

Udalak garraio publikoa erabiltzea gomendatzen du

Datorren azaroaren 14an, igandean, *Behobia / Donostia lasterketa* izango da. Froga hau dela eta, gure hirian eragin nabarmena izango duten ezinbesteko trafiko neurriak hartu beharrean dago Udala. Udalak garraio publikoa erabiltzea gomendatzen du.

Igandea, azaroak 14

Igandean, hilaren 14an, goizeko **05:00etatik arratsaldeko 17:00ak** arte ezin izango da sartu Boulevard Zumardira Legazpi kaletik.

Peñaflorida kalea ibilgailu mota guztietarako moztuta egongo da 05:00etatik 17:00ak arte. Lasterketa amaitu arte, ibilgailu partikularrak (bertakoak izan ezik) ezin izango dira Boulevardera sartu Askatasun hiribidetik.

Zurriola hiribidea, Lapurdi plazatik, itxita egongo da **8:30etik 9:00etara** azken kilometroko arkuak muntatu ahal izateko. Eta **9:30etik** desmuntaketa lanak amaitu arte, **15:15ean** gutxi gorabehera.

8:30etik aurrera Buenavista eta Herrera arteko biribilgunea itxita egongo da Behobia Gaztea lasterketaren irteera prestatzeko.

9:30etik 15:00etara lasterketaren ibilbidea errazteko asmoz, Udaltzaingoak itxiko ditu zentrorako norabidea duten honako kaleak: Jose Elozegi, Ategorrieta, Nafarroa, Zurriola eta Boulevarda. Hiriko irteerek ez dute aldaketarik jasango eta gainerako bideak irekiak egongo dira.

Ulia pasealekuko bizilagunek, **9:30etik 13:00etara**, Mendiola bidetik Herri Ametsa Ikastolara iritsiko dira eta bertatik Bidebietara.

Gomendatzen da ekialdetik atera nahi duten hiritarrek edo Altzara joan nahi dutenek Intxaurrendotik, Otxoki pasealekua eta saihebidia erabil dezatela.

Korrikalariak hurbiltzen diren mementotik, erabat eragotziko zaie ibilgailu mota guztiei zirkuituan sartzea edo hura zeharkatzea. Hiriaren erdialderako sarbideak, memento batzuetan, San Martin kaletik moztuta egongo dira eta, beste batzuetan, Askatasunaren hiribidetik.

Zirkulazio aldaketa horiek direla-eta, garraio publikoko lineetako geraleku eta ibilbide asko ere aldatu behar izango dira, batez ere hiriaren Ekialdekoak.

Prentsa Oharra

Nota de Prensa

TAO

Behobia / Donostia lasterketa dela eta, TAO 1-1 sektoreko aparkaleku-bereizgarria duten egoiliarrek baimena izango dute hiriko Aparkaleku Mugatuko Guneetako gainerako sektoreetan aparkatzeko, destinoko sektoreko TAO Txartela dutenen baldintza berdinetan

Baimen hau edukiko dute azaroaren 12tik, ostiraletik, azaroaren 15era arte, astelehenera arte.

Hala ere, egoiliar hauek ezin izango dute beren ibilgailua dohainik aparkatu ordainketa nahitaezkoa den guneetan (15 eremuko guneetan) araututako ordutegiaren barnean

Garraio publikoko zerbitzuak:

Datorren igandean, azaroaren 14an

- 7:00etatik 17:00etara gutxi gorabehera [Dbus-eko ibilbideetan eta geltokietan aldaketak](#) egingo dira. (Prentsa oharra atxikitzen da)
- 08:00etatik 15:30era gutxi gorabehera, Bidasoaldea, Oarsoaldea eta Donostialdeko [Ekialdebuseko lineek](#) eta [Lurraldebusekoek](#) ere aldaketak jasango dituzte.
- [Euskotrenek](#) azaroaren 13an eta 14an tren zerbitzu berezia eskainiko du.
- [Renfek garraio plangintza](#) berezia antolatu du eta aldiriko trenak indartuko ditu.

Taxiak:

Boulevardeko geralekuan ez da zerbitzurik izango.

Ibilbide aldaketak

Lasterketa ekialdetik etorriko denez, garraio publikoko autobus guztiak Zubiaurre pasealekutik hurbilduko dira Jai Alairaino, Galtzara Nagusira, eta Kolon pasealekura, eta Mirakruz Gainerantz, Mirakruz kaletik eta Zubiaurre pasealekutik.

Lasterketa bukatzen den neurrian, 15:00etatik aurrera gutxi gorabehera, ibilbide eta geraleku guztiak bere ohiko lekura itzuliko dira, Boulevardeko geralekuak ezik, hauek 17:00ak aldera egingo dute.